



**Innuttaasut inoqammut ajoqusiisumik soorlu persuttaallutik aammalu toqutsillutik pinerluuteqartut pineqaatissinneqartarnerisa sivissusaa ilumut naammattuunersoq pillugu oqallisissiatut siunnersuut.**

(Inatsisartunut Ilaasortaq Bjørk Lange Olsen, Demokraatit)

Qujanaq Demokraatit Inatsisartunut ilaasortaataitaannut Bjørk Lange Olsen-imut oqaluuserisassap pingaaruteqartup oqallisissiarineranut.

Demokraatinut pingaartuuvoq, inoqammut ajoqusiisumik pinerluuteqarnermi pinerlineqartoq pingaarnertussallugu pinerliisuminngarniit. Ilumorsinnaanngilaq, aapparissamut persuttaanermi pinerlineqartoq, ataatsimut angerlarsimaffigisamiit anissappat. Ilumorsinnaanngilaq, pinerliinermi pinerlineqartup pinerliinerup kinguninngua Pilersuisumi pinerliisuni naaperiataarsinnaanera. Ilumorsinnaanngilaq aamma, persuttaasimasutut pineqaatissinneqarsimasoq ima sivikitsigisumik pineqaatissinneqarmat, pinerlisami sulii napparsimasutut sulinnigiffeqarnerani suliffimminut utereersimanissaa.

Allatut oqaatigalugu, piffissanngorpoq, uagut inuiaqatigiittut uagutsinnut pisussaaffilissasugut pinerlineqartup pinerliisuminngarniik pingaartinnerunissaanut. Tamannalu tamani atuutissaaq. Aamma soorlu assersuutigalugu tarnip pissusaanik immikkut ilisimasalimmik oqaloqateqarnissami. Isumaqatigilluinnarparput, pingaartuuvoq, pinerliisup tarnip pissusaanik immikkut ilisimasalimmik oqaloqateqartarnissaa pinerleeqqinnissaaq pinngitsoorniarlugu. Tulluartaunngilarli, pinerlussimasoq tarnip pissusaanik immikkut ilisimasalimmit oqaloqateqarnissaminik pinerlikkaminiit siusinnerumik neqeroorfigineqarpat.

Taamatut oqareerluta, Demokraatini iluarisimaarparput, nunatsinni kinguneqartitsinerit ukiuni kingullerpaani sakkortuninngorsimmamata. Kisianniliuna isumaqartuguyt, sulii sakkortunerusariaqartut. Taamaattumillu siunnersuuteqartoq Bjørk Lange Olsen isumaqatigaarput oqarmat, inoqammut ajoqusiisumik pinerluuteqarnernut kinguneqartitsinerit sulii annertunerusariaqartut. Pinerluuteqartut iliuuserisamik kinguneri sakkortuumik malugisariaqarpaat, pinerlineqarsimasullu misigisariaqarlugu, naapertuulluatumik kinguneqartitsisoqartoq, taamaasilluni pineqartoq inuunermini ingerlariaqqinniassammat.

Taamatuttaarlu iluarisimaarparput, Naaakkersuisut Ilisimatusarfimmi ilisimatuumik isumaqatigiissuteqarsimmamata, "Kalaallit Nunaanni pinerluttulerineq pillugu

inatsiseqartitsineq malillugu eqqartuussutit, pineqaatissiissutit aamma isummat"-nik misissuisussamik. Misissuinermit tassunga siunertaavoq maani nunatsinni massakkorpiaq kinguneqartitsisarnerit annertussusaasa uppersusaannik takutitsinissaaq aammalu minnerunngitsumik innuttaasut tassunga isumalluaataat. Misissuinerup aammalu taassuma inerniliinerata sukumiisumik misissornissaa qilanaaraarput.



DEMOKRAATIT  
DEMOKRATERNE

Tassalu Demokraatit oqallinnermut isummersuutaat.